

Aningaasarsianit akileraarutit pillugit Inatsisartut inatsisaata allannguutissaatut Inatsisartut inatsisaat

§ 1

Aningaasarsianit akileraarutit pillugit Inatsisartut inatsisaanni nr. 5, 19. maj 1979-imeersumi, kingullermillu Inatsisartut inatsisaatigut nr. 15, 18. oktober 1990-imeersukkut allanngortinneqartumi makku allannguutigittinneqassapput:

1. § 3, *imm.* 3 imatut allanneqassaaq:

"*Imm.* 3. Selskabinik suliffeqarfinnillu, Kalaallit Nunaanni atortussiassat aatsitassanit pisut il.il. pillugit inatsit naapertorlugu aatsitassanik iluaqutiginninniarsinnaanermut akuersissuteqarfigineqarsimasunik akileraarusersuineq, aatsitassarsiornissamut pisinnaatitaaffeqalersup akuersissutaani aalajangersakkat malillugit, atorunnaassaaq."

2. § 17-*ip* kingornatigut ilanngunneqassaaq:

"§ 17 A. Akileraartartumut, Kalaallit Nunaanni aatsitassanik iluaqutiginninniarluni sulliviutilinnut sanilliullugu aatsitassanik suliareqqiilluni nioqqutissiorfimmik ingerlataqartumut, aatsitassanik iluaqutiginninniarnermut atatillugu piiarneqartunik suliareqqiinissamut atortorissaarutit toqqaannartumik pisiarineqartut nalingisa 10 %-ii tikillugit immikkut ittunik ilanngaateqartitsinissamut naalakkersuisut maleruagassiorsinnaapput."

3. § 20-*p* kingornatigut ilanngunneqassaaq:

"§ 20 A. Selskabit suliffeqarfillu, Kalaallit Nunaanni atortussiassat aatsitassanit pisut il.il. pillugit inatsit naapertorlugu iluaqutiginninniarsinnaanermut akuersissuteqarfigineqarsimasut, aningaasarsiamik akileraaruteqaataasussat naatsorsorneranni aningaasat, akuersissut malillugu piiajaanarnermut atatillugu saliiinissaq aningaasatigut qulakkeerniarlugu immikkoortinneqarsimasut ilanngaatisinnaavaat.

Imm. 2. Ilangaateqarsinnaanermut piumasaqaataavoq qularnaveeqqusiinermut il.il. atugassarititaasut akuersissummi aalajangersarneqarsimasut naammassineqarsimanissaat.

Imm. 3. Kingusinnerusukkut paasineqarpat saliiinissamut aningaasartuutit ilanngaatigineqarsimasut angivallaartut, taava ilanngaatigivallaarsimasat ukiumi ilanngaataavallaarsimasutut paasineqarfinninni akileraaruserneqassapput.

Imm. 4. Aatsitassarsiornissamut pisinnaatitaaffeqartup akileraartusnaanera kipippat ilanngaataavallaarsimasut *imm.* 3-mi taaneqartut kingusinnerpaamik akileraaruserneqassapput piffissami akileraartusnaanerpup kipinerani."

4. § 21-*mi* *imm.* 8-tut ilanngunneqassaaq:

"*Imm.* 8. Akileraartartumut, Kalaallit Nunaanni atortussiassat aatsitassanit pisut il.il. pillugit inatsit naapertorlugu ujarlernissamut imaluunniit iluaqutiginninniarsinnaanermut

akuersissuteqarfigineqarsimasumut, imm. 1-imi oqaaseqatigiit siulliat, amigartoorutit ilanngaatigineqarsinnaanerisa ukiunut tallimanut killilerneqarnerannik imaqartoq, atuutinngilaq."

5. § 22, imm. 3 imatut allanneqassaaq:

"Imm. 3. Akileraartartumut, Kalaallit Nunaanni atortussiassat aatsitassanit pisut il.il. pillugit inatsit naapertorlugu ujarlernissamut imaluunniit iluaqutiginninniarsinnaanermut akuersissuteqarfigineqarsimasumut, akuersissummi toqqavillugu ingerlatassatut suliaassatut pineqartunut imm. 1 aamma 2 atortuutinneqassanngillat."

6. § 33, imm. 2 imatut allanneqassaaq:

"Imm. 2. Imm. 1-mi taaneqartutut atassuteqarfik kommunet aggornerisa avataanniippat, imaluunniit akileraartartoq Kalaallit Nunaanni atortussiassat aatsitassanit pisut il.il. pillugit inatsit naapertorlugu aatsitassanik iluaqutiginninniarsinnaanermut akuersissuteqarfigineqarsimappat, taava Akileraartarnermi Pisortaqarfik kommunetut akileraarfissatut isigineqassaaq. Taamatuttaaq akileraartartunut, Kalaallit Nunaanni atortussiassat aatsitassanit pisut il.il. pillugit inatsit naapertorlugu ujarlersinnaanermut sullivuteqarsinnaanermullu akuersissuteqarfigineqarsimasunut kiisalu akileraartartut § 22, imm. 3-mi taaneqartut Akileraartarnermi Pisortaqarfik kommunetut akileraarfissaattut isigineqassaaq."

7. § 82, imm. 5 imatut allanneqassaaq:

"Imm. 5. Selskabit suliffeqarfillu, Kalaallit Nunaanni atortussiassat aatsitassanit pisut il.il. pillugit inatsit naapertorlugu pisinnaatitaaffeqartut aningaasarsianit akileraarutaat, tamatumani ilaallutik iluanaarutisianit akileraarutit, landskassep tuttassapput. SS-it 65 aamma 68 naapertorlugit aningaasarsianit iluanaarutisianillu akileraarutitut ernialiunneqartartut tapiliunneqartartullu taamatulli landskassemut tuttarlutillu landskassemik akilernerqartassapput.

§ 2

Imm. 1. Inatsisartut inatsisaat 1. maj 1991-imi atuutilissaaq.

Imm. 2. § 1, nr. 3-mi, 4-mi aamma 6-mi aalajangersakkat ukioq aningaasarsiorfik 1991 aallarnerfigalugu atuutilissapput.

Namminersornerullutik Oqartussat, ulloq 18. april 1991.

Lars Emil Johansen

/

Emil Abelsen

3900 Nuuk

E-mail: nsninatsit@nanoq.gl

Linkit iluaqutaasussat

Kalaallit Nunaanni inatsisinut nalunaarutit

Namminersorlutik Oqartussat inatsisinut toqqorsiviat

Naalakkersuisut